

ԸՆԴՈՒՆԵԼ ՈՒԹՅՈՒՆՆԵՐ ՄԸՅՐ ԸԹՈՌՈՒՄ

ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՀՅՈՒՐԵՐՆ ԷԻՆ ՄԱՐՏՈՒՆԵՅԻ ԵՐԻՏԱՍԱՐԴՆԵՐԸ

Սույն թվականի հունվարի 2-ը ընդմիջտ կմնա Մարտունու «Վաճեվան» համալսարանի ուսանողության ու ֆաղափ «Երիտասարդական ակադեմիա» հասարակական կազմակերպության անդամների հիշողության մեջ: Այդ օրը Մայր Աթոռ Սուրբ Էջմիածնի իր նստավայրում Մարտունուց ժամանած պատանիների ու աղջիկների խմբին ընդունեց Ն.Ս.Օ.Տ.Տ. Գաբեգին Ա. Ամենայն Հայոց կաթողիկոսը:

Գեղարքունյաց թեմի առաջնորդ գերաշնորհ Տ. Անանիա եպիսկոպոս Արաքսյանը Վեհափառ Հայրապետին ներկայացրեց պատվիրակության անդամներին՝ հատկապես ճշիվ թիվով հոգևոր կյանքի աշխուժացման գործում Մարտունու «Վաճեվան» համալսարանի և «Երիտասարդական ակադեմիա» կազմակերպության ձեռնարկումներն ու ներգրած ջանքերը:

Ամանորի և Սուրբ Ծննդյան տոների ուրախ առիթով շնորհավորելով, ինչպես նաև իր հայրական օրհնաճիճը բաշխելով ելուրների՝ Ամենայն Հայոց Հայրապետը պատվիրեց երիտասարդությանը լինել բարի և աշխատասեր, հույսը զենել միայն սեփական ուժերի ու հնարավորությունների վրա՝ ճշիվ, որ հայրենիքը մերն է, և մենք պետք է շենացենք ու բարգավաճ դարձնենք այն:

Նորին Արքեպիսկոպոսը, ի հաստատումն ասածների, դրվագներ պատմեց իր ուսումնառությունից, մանկավարժական ու հոգևոր գործունեությունից՝ շարունակ ընդգծելով խոր գիտելիքներ ձեռք բերելու կարևորությունը:

Հանդիպման վերջում Վեհափառ Հայրապետը նրանց նվիրեց Մայր Աթոռի հրատարակած, ինչպես նաև իր հեղինակած գրքերից՝ խոստանալով այցելել Գեղարքունյաց թեմ և ճրանց հետ հաջորդ անգամ հանդիպել իրենց հայրենի ֆաղաճում՝ հույս ունենալով կատարված տեսնել իր տված հայրապետական պատգամները:

Հյուրերը Ամենայն Հայոց Հայրապետին նվիրեցին Սևառա լիճը պատկերող մի կտավ և, որպես գեղեցիկ ու ամոռաճալի հուշ, լուսանկարվեցին Նորին Արքեպիսկոպոսի հետ:

ՎԱՀԵ ԳՐԻԳՈՐՅԱՆ

ԳԱՐԵԳԻՆ Ա ՎԵՀԱՓԱՌ ՀԱՅՐԱՊԵՏՆԸ ԸՆԴՈՒՆԵՑ ՇԻՐԱԿԻ ԹԵՄԻ ՆՈՐԱՍՏԵՂԾ ԽՈՐՀՐԴԻ ԱՆԴԱՄՆԵՐԻՆ

Հունվարի 10-ին Նորին Սրբություն Գարեգին Ա Կաթողիկոսն ընդունեց Օիրակի թեմի մորաստեղծ խորհրդի և եկեղեցական դասի անդամներին՝ թեմական առաջնորդ Գրիգորիս արք. Բունիաթյանի գլխավորությամբ:

Գրիգորիս արք.: Բունիաթյանը Վեհափառ Հայրապետին ծանոթացրեց թեմական մորաստեղծ խորհրդի անդամներին, ապա մերկայացրեց խորհրդի կողմից մշակված աշխատանքային ծրագրերը: Սրբազան Քայրը մասնավորապես նշեց, որ շուտով տեղերում ևս ստեղծվելու են համապատասխան ծխական խորհուրդներ, որոնք մեծապես կնպաստեն, որպեսզի մարդիկ ավելի մոտենան եկեղեցուն, առավել հզորանա հավատքը նրանց մեջ:

Վեհափառ Հայրապետը մեծ ուրախությամբ ողջունեց թեմական խորհրդի ծնունդը և հաջողություններ մաղթեց նրա ձեռնարկներին՝ նշելով, որ Մայր Աթոռը ամհրաժեշտ օգնություն և աջակցություն կցուցաբերի՝ թեմի աշխատանքները ճիշտ կազմակերպելու գործում: Նորին Սրբությունը ընդգծեց նաև, որ թեմական խորհուրդների ստեղծումով ժողովրդի մեջ կաշխուժանա հետաքրքրությունը դեպի հոգևոր կյանքը, դեպի Հայաստանյայց Ս. Եկեղեցին և է՛լ ավելի գործունե կդառնա կապը թեմերի և Մայր Աթոռի միջև:

ՀԱՅԱՍՏԱՆԻ ԱԶԳԱՅԻՆ ՍԿԱՌԻՏԱԿԱՆ ԿԱԶՄԱԿԵՐՊՈՒԹՅԱՆ ՈՍԿԵ ԿՐԾՔԱՆՇԱՆՆԸ ԳԱՐԵԳԻՆ Ա ԿԱԹՈՂԻԿՈՍԻՆ

Հունվարի 16-ին Գարեգին Ա Ամենայն Հայոց Կաթողիկոսին այցելեցին Հայաստանի Ազգային Սկստական Կազմակերպության (ՀԱՍԿ) կենտրոնական վարչության անդամները՝ ատենապետ Հարություն Հարությունյանի գլխավորությամբ: Նրանք Վեհափառ Հայրապետին հանձնեցին ՀԱՍԿ-ի կենտրոնական վարչության կողմից սահմանված ամենամյա Ոսկե կրծքանշանը: Խորհրդանշական իմաստ ունեւ անդրանիկ Ոսկե կրծքանշանի հանձնումը Գարեգին Ա Վեհափառին, սկստական կազմակերպության երբեմնի անդամին:

Նորին Սրբությունը մեծ հուզումով ընդունեց նվերը՝ իր հայրապետական օրհնությունը տալով նրանց:

Ապա ատենապետ Հարություն Հարությունյանը Վեհափառ Հայրապետին ծանոթացրեց կազմակերպության գործունեությանը և անելիքներին:

Հանդիպմանը մերկա էր Ազգային ժողովի Գիտության, կրթության և երիտասարդության հարցերի մշտական հանձնաժողովի փոխնախագահ Արամ Մանուկյանը:

ՄԱՄՆՈ ԴԻՎԱՆ ՄԱՅՐ ԱԹՈՌԻ